

新刊國朝二百家名賢文粹

通鑑一國朝二百家名賢文粹卷第四十四

論著

莊著四

莊說六首

福盛王公

士之所以爲士者以其能事親以孝而守身以廉也不能以孝
事親謂之逆不能以廉守身謂之盜三者有于身則不可以
爲人故孝廉者士之常行而古人不以爲難能然而後世設科
以取之推恩以屬之由此而觀是事親以孝而守身以廉者少
也嗚呼

二

君子之處身莫大乎無愧終不愧初行不愧言達不愧窮斯可
矣今夫衣布衣則未有不履行道銜金朱則未有不思全身何
則紛華燦於外而所守變於內也謂之無愧可乎若夫信道篤
而涉義深者則不然

三

君子所以成民性而開治道者莫大乎進人之善蓋善者人所自有而不生於強者也生於強故進之也易易故致力也輕而收功也多是君子之所以優為之也仁哉君子之所以愛天下之人之心也方其於善未至也則孜孜而教率之有一至焉則豐豐稱道而扶持之故使人甘喜樂勤勉而不忍於自弃矣人人不忍於自棄則民性成而治道開矣

四

願使巨為良巨勿使民為忠巨夫人主從善如流不吝諫諍時俞之際自擊道存則忠巨何所用力若事有未安義順力辭上咨於政下不能已則雖欲雍容為良巨有不可得哉成忠臣之異名在人主納諫難易之間耳

五

初以天下之財不足而鹽鐵紙錢之法興法興而取民者多不

務以補前日之不足而益以給無窮之欲然則取何時而世民何時而樂生也故爲天下者必以仁義自爲之防則庶乎取於民者有限矣

六

或曰方黨人之禍興天下善士無有免者子以爲不然觀李范諸君之言行莫不有以激之者夫時固有裕然之君子抱道深居潛默自容而禍福不能及者矣其視諸君徒擾擾也

達說

浮休居士

舉而不能勝者重也運而不能止者勢也一夫能制之者力也或能使之大或能使之小措於衆人之所不及者才也隨其多寡而得之者分也保之而終身不移者守也思失之者慎也不期而天下皆得之者信也又從而修飾之者智也爲之文采而爲人交接者禮也閔然推已之所有而及人者仁也近似而不可恃者惠也不待察而知之者慈也擇可尚而尚之者義也可

以取之而不取者廉也度義之所在而爲之不懼者勇也或有所不欲者嫌也兩受者疑也近而不見者蔽也遠而能知者明也揔是之類從其自然者性也出於自然情也幸而富貴長壽而其不幸而貧賤短折撲仆而喪亡者皆命也故聖人以天下爲一物以百姓爲一人以千古爲今日以萬行爲一德以生爲寄以死爲歸君子因是言者而觀之則其他言之所不及者從可知矣

評詩

浮休居士

梅聖俞詩如深山道人草衣菌茹土形不質雖王公大人見之不覺屈膝石曼卿詩如飢鷹夜歸嵩永春并俊爽有餘而不可尋繹王介甫詩如空中之音相中之色欲有執着而曾不可得郭祥正詩如大排筵席二十四味終日損讓而適口者少蘇子瞻詩如武庫初開戈矛森然觀者不覺神慄若一一尋之不無列鉅楊公濟詩如村婦入城欲相持且而舉止莊然聲長袖短

亦自閩厝歐陽永叔詩如春服成。杯酒既醺登山臨水竟日忘。

雜書

豫章先生

羣蘇州詩云。冷君卧病思新橘。試摘才酸亦未黃。書後欲題三百
顆。洞庭須待滿林霜。余往以謂。蓋用右軍帖。大贈子黃柑三百者。
比見右軍一帖云。橘三百枚。霜未降不可多得。蘇州蓋取諸此。
余極喜。頃魯公書時時。意想為之筆下。似有風氣。然不逮子瞻。
遠甚。子瞻昨為余臨寫魯公千數紙。乃如人家子孫。雖老少不
類。皆有祖父氣骨。近見安師文有宗濂州刺史伯父文聲。其
處所謂。是駁無貴。恨波蘭猶老成也。

勸說

齊北先生

道無勤物。無不勤。夫既謂之物矣。物必有所事。有所事必勤。故
物莫大於天地。其次曰人。而三者同以手耕。才之為言。物量之
所能也。能必有所事。故天有四時。地載神氣。皆謂之無非教。而
非教者。有所事也。日月如爭其所乎。雲者為雨乎。雨者為雲乎。

養者其有機織而不能已耶其有所運轉而不能自止邪則天
地之事亦勤矣人見其四時行百物生也以謂天地未嘗勤哉
不知夫有道焉範圍乎其外莫或使之日夜以造惇惇然若有
與之計其期而不得暇者是能成千歲之積而開萬化之原人
以其才參諸天地有誠焉宜極於道不息而善成古之聖賢惟
孔子顏淵能知此故孔子之語子貢而曰生無所息顏淵之贊
孔子而曰欲罷不能夫以有涯逐無涯必墮故欲罷而願息皆
人之情也然固非不欲罷而曰不能罷賜非不願息而曰息無
所夫求斯須之晝至於念茲之際其暫無幾也猶曰不能而無
所此非有所畏慕勉強而駢之也性不能已也是天地人之所
以均不能無事而皆勤也雖然天地以無心莫之爲而爲故久
人以有心知而爲之故怠嘗試語怠之所從起譬道爲万里塗
而以勤爲馬繕性之始如適舉趾其弛於負擔未知其以曷月
止斯殆已故欲從事于此必自夫誠其意者始焉夫人何以確

然憤然如天地之無心而常運能誠其意則幾矣誠者非義獲
而取之也閑其邪則存嘗又請實之以誠爲我我欲至於万里
孰禦之哉以其孰禦之者爲策以臨馬不至於万里馬終日蹶
蹶而不得止由不忌故能久久則疑於坤矣聖人之事業所以
弊天地而疑於神則自其孰禦之者積之耳雖然此亦非聖人
獨能之也百工之賤預能焉承蜩者猶掇之也夫豈惟其精之
至自五六月壘禬二而不墜至於壘三而不墜至於壘五而不
墜則其勤之積可知已而世不知者方且曰勤者事也道無所
用勤其知者則將曰事者勤也天地不能無事而況於學者乎
余甥師蘭年少而彊文采曄然其所孝又中庸也故告以其無
怠者自誠其意始而余老矣不復能自強猶樂以靜觀動日出
而聞吾牖以臨交衢之內四民疊疊各各以其業趨利鳥嬰翔
而獸鳴鷺鷥各有其隸蜂蟻之至細遊行旁逝營宅室而競食
事亦維以卒歲至於物之無情者山日夜出雲流水之不停甲

拊而勾申木不崇朝而其華敷榮並行若爭小積而大盈而天地乃司其成功及其至也皆曰損於是以觀復而見天地之心則万物何莫由斯道謂道無勤道亦未嘗息也而其勤見於天地天地亦未嘗勤也而其勤見於万物万物各以其勤自成而天地終其功故成能者爲聖人孝之積由是師蘭勉之

傲陋有觀於其里而自傲也且以傲其子及甥姪焉

子欲居九夷或曰陋如之何子曰君子居之何陋之有吾非君子安能不顧蠻貊之陋而欲居居之不唯不能革彼陋吾未免於陋也里仁爲美擇不處仁焉得智者吾非智者安能知里之仁而擇處處之不惟不能遷彼之不仁吾未免於不仁也與君子游必乎如入芝蘭之室久而不聞則與之化矣與小人游膩乎如入鮑魚之肆久而不聞則與之化矣吾不幸遠君子而近小人近之不惟不能洗彼膩吾未免於膩也一薰一蕕十年猶有其臭吾薰也猶尚能臭之吾惡夫久而不聞也不惟不能

冀彼舊吾未免於舊也四累者吾憂之見賢思齊至而見不賢者
內自省也懷陋里不仁鮑漬猶當聚也引領而望夫安得賢者
而齊之而不賢者乃日夜相與輩而詠且游乎吾之邦習靡雜
起于變万化在人目前苟見此而耻者怛然肺熱戰然顙泚而
內自省曰吾不幸無乃類之其庶乎居与之同里出与之同閑
吾不能捨以逃也使跡近而心遠焉雖不得賢者而齊之日儼
此亦賢矣尹鐸爲趙鞅戒晉陽之辱而不墮其壘培又增之鞅
怒郵無正曰委土可以爲師保何爲不增夫里無仁賢則思吾
一日之嘗辱焉如晉陽之委土非耳目能言之類也修而存之
如見參於前倚於衡也亦可以爲吾師何必師人

論書

豫章先生

士大夫學荆公書但爲橫風疾雨之勢至於不著繩尺而有魏
晉間風氣不復騁騁學子瞻書但卧筆取妍至於老大精神可
而顏楊方駕則未之見也余書姿媚而乏老氣自不足學學者

輒羞弱不能立筆雖然筆墨各繫其人工拙要須其韻勝耳病
在此處筆墨雖工終不近也

學書端正則害於法度側筆取研往往工尤尚病右正書如右
軍霜寒表大令左解臺職狀張長史郎官廳壁記皆不爲法度
病其風神至於行書則王氏父子隨肥瘠皆有佳處不復可置
議論近世惟顏魯公楊少師持爲絕倫甚妙於用筆不好處亦
媚媚大抵更無一點一畫俗氣比來士大夫惟荆公有古人氣
質而不端正然筆間甚適溫公正書不甚善而隸法極端勁似
其爲人

林和靜詩句粹然沉深其字畫尤一遺墨尚當室藏何況筆法
如此筆意殊類李西臺而清勁處尤妙

論詩

豫章先生

謝康樂庾義城之於詩鑪錘之功不遺力也然陶彭澤之清數
句謝康未能窺者何哉蓋二子有意於俗人贊譽其一拙難用

直寄焉耳

雜評

豫章先生

吟詩不必務多但意盡可也古人或四句兩句便成一首今人作詩徒用三十五十韻子細觀之皆虛話也要須語意律諒田夫女子皆得以知之蓋詩之言近而自遠者乃得詩之妙唐人吟詩絕句云如二十箇君子不可著一箇小人也唐詩僧吟草詩云時平生戰壘農情入春田如此語少時常記百十聯思其的切者如此作詩句要須詳略用事清切更無虛字也如老杜詩字字有出處熟讀三五十遍尋其用意處則所得者多矣凡人修學惟節略今人文字似無益於用不若熟讀班固漢書自首至尾不遺去一句然後可見古人出處疑則闕之當求明師益友以講習也王定國謫金過我因出數十篇文字余謂定國曰若欲過今人則可矣若必欲過古人宜盡燒之更讀書十年也定國詩極有巧處然少本也余自謂作詩頗有自悟若諸

文亦無長處可過人余嘗對人言作詩在東坡下文潛少游之
至於雜文與無咎等耳

讀書不必務多若能精一遂可貫諸經矣至於易亦如此少寫
須有常定亦不錯也

莊居信筆

姑溪先生

日近詔求遺書乃太平其盛之舉本朝書畧不備巨庶之家亦
多苟簡不以爲事自昔隋兼南北兩朝經籍特旨其所藏之地
號嘉則殿其卷至三十七万大業之乱存者無幾武德初纔有
八万卷又平王世充得嘉則舊書八千卷自黃河水運入京師
至砥柱舟覆而亡開元中置使置院專治其事然著子錄者又
減武德三分之一通一時學者自爲之書僅補其闕以甲乙丙
丁分經史子集爲四庫安祿山之乱尺簡不存元載當國請以
千錢購一卷分遣使徧天下搜索稍全復遂增四庫爲十二
庫一目爲四庫矣文宗尤所留意而十二庫万充滿復經黃明

猶遜迄于天復遷都乃蕩然無遺又更五代之亂臣庶之家或
死不暇豈復以此自表見故本朝盡籍遠今未振宋綬李淑二
家號藏書亦不過一二萬卷而已綬家又爲火所盡其孫京年
方展轉圖足未幾歿死豈其數耶抑有所待也

養生論

木鴈先生

老子言攝生莊子言衛生攝云者撝攝難想而歸一也衛云者
護衛無欲而返真也佛法思多至道不煩世人慕高遠而忽正
常故支離以爲博穿鑿以爲妙至達人遠而生理轉疎矣大抵
不知無作二字夫留形以閱万物形孰自而留曰氣貫母之耳
天地之氣蒸而爲雲散而爲露其爲濕也所以滋万物而生之
也人之氣宅於丹田委雜蓬勃而上達于華池液乃生焉華池
靈液徐出於舌本牙觀之間黃金之芽元珠之由由此而成故
大般若經云世尊能止吞咽津津流通故身心適悅常得味也
止味又偈云云又云云此皆以華池靈液爲本世人求安而得

疾病求壽而得天劫者蓋捨玉呈室而外恃瓦礫也然古今養生者雖知華池靈液是時然徒區區呼吸熾熾意思解會之問而不知無作二字所以勞而少功且無作二字非昏昧斷滅頑虛死魄之謂也無作之作仙聖之所密授顏回之坐忘必悟所以忘達摩之壁觀必悟所以觀蓋不論喧寂垢淨皆可爲之不即本處亦不離本處至甘之味真白之色如山出泉令人耳聰目明而心常竟顏紅髮黑而財常健行之以久自可見矣

雜說四首

玉臺王公

孔子曰居是邦也事其大夫之賢者友其士之仁者又曰以尊事長則順孟子亦曰天下有達尊三爵一齒一德一朝廷莫如爵爵鄉黨實如齒輔世長民莫如德而周官之義或先貴賤而後老幼或先老幼而後貴賤或先貴後老而賢者能者介於其間明爵齒德更尊卑所先後故出古之人於貴賤之分長幼之序賢不肖之際相与退讓而尊卑之其微且詳如此故貴者長者

賢者安其爵齒德聽其下之尊事而不自以爲恭卑賤不自者亦各自竭以事其上以爲分之所當爾而不自以爲卑三代而上貴賤獲位賢不肖類情長幼有序分守嚴而禮義興蓋由此也

天下有奇功有大功天下之患起於小入處人骨肉之間挾天下之重勢以危社稷忠臣執士不勝其憤欲以正勝之言發而禍及其身惟深遠智計之士知其不可與爭也優游浸漬於其間使之不吾忌俟其釁開然後徐起而除其患此之謂奇功天下之患起於夷狄常與中國迭爲盛衰方其盛也桀桀焉不遜遠陵中國而生齒被其害有志之士未嘗不欲乘機投隙以兵攘之而兵連禍結有不可勝慮者惟忠信盛德之士因其有害意而不遽絕之兵不用而夷狄服久而無患此之謂大功昔者西漢之出高后欲王諸呂王陵廷爭以高帝之約非劉氏不王獨陳平以爲可故不去相位而得致力焉又用陸生計交權周勃

彼諸呂猶以平勃之爲已而不爲劉氏也卒誅產祿立文帝而天下安於謂奇功者以此至宣帝時匈奴遣兵擊漢屯田車師者不能下上與後將軍趙充國等議欲用兵魏相切諫以謂匈奴嘗有善意所得漢民輒奉歸之雖爭屯田車師不足致意中宣帝從其言止不用兵卒之單于來朝漢以無事所謂大功者以此

予嘗讀史崇傳至叙次郎吏深美作傳者能以一語盡開元之治道明皇言我任崇政大事吾當與決至叙次郎吏崇願不能而重煩我耶崇聞乃安由是進賢退不肖而天下治蓋天下之治亂常在於賢不肖之進退而進賢退不肖直宰相職也班固漢書謂巴蜀之人好文刺譏此亦一時之俗而未必盡然由漢以來先生長者不爲少豈無忠厚之風而適亦有慤薄乎市井無賴之徒習爲刺譏以爲忠厚者之累流言止於智者況賢不肖之狀較然在於目前非流言以此也智者豈不知之

攷古七說

思齋先生

聖賢之學在於立已道勝而力有所濟也故聖賢與賤等而不以貴易賤視冠冕猶裘褐者然後可以行乎富貴也夫有一芥之望則見鴻毛如泰山見鴻毛如泰山則九鼎万鍾從以物重是以君可而可君否而否國危而身隨之矣秦漢而下其皆不立已者乎何其以身市貨之多也

詩三百一言以蔽之曰思無邪思而無邪聖賢克難也舜思於堯周公思於三王皆自存誠以致其思也故無邪焉今人莫不致其思多以思爲賊者蓋知以思而不存其誠也夫無思爲土木致其思則易泮渙君子益以思爲難也思而誠誠而明乃天矣君子豈不思而得之哉

古之聖賢太上經國而功業次之漢祖於吳王濞也蓋五十年之見矣武帝以代邸獄有天子氣釋而不問其後宣帝基中興蓋灼知於再世矣晉羊祜之在荊州也度吳必可平力勸武帝

為混一之舉後卒如蒞策者此詳於料敵也武帝因之政治遂
弭五胡亂華者九二百年此不能縱敵以為己憂暗於謀國也
後人指以虛無為晉失國之累非也乘以宴安兼之清談遂益
其禍尔王衍欲斬石勒區區於識茲豈知非禍於平吳而豐成
於孝惠歟

淮南有謀譚汲黯而寢之武帝於黯非親之於耳目也淮南譚
之無乃挺然不可犯淮南聞其風而自折翊者欤孟子曰頑夫
廉懦夫有立志武帝奴視衡青而不冠不見黯夫以万乘猶加
嚴憚彼諸王畏而下之宜哉黯與伯夷異世而同歸矣傳曰一
正君而天下定此之謂也

漢高祖以一劍取天下不能徇一戚姬之私以此知其善克己
也非心小而道大者無以及此然而廢嫡立庶大事也謀及於
國如不私之者矣招四皓而來重別白之是謀及於山林也自
國而山林其謀之之固為如何是肯以一人之私而害四海之

公者哉

商之用民云至矣乎盤庚之三篇是也去危即安習俗之勇者尚矣蓋不有挾以徇其即遷之請況不便於民而直拂之哉及其士也民歸於周之世而後循或以爲頑蓋非不率也不忘商而念之深也一失而遂攜秦之政爾何以爲湯伐天革民孟子曰吾於武成取二三策意其深邪

漢文帝謂張釋之曰卑之無甚高論夫卑之適所以中道也自諸子百家興六經之用愈尊猶之水火民資以生無敢須臾離正卑之之說也自古理亂無出成曰一篇舍此不行而徒與抗高而行天下益以不治在君與臣無有以卑之也牛僧孺曰太平本無象四夷不交侵家給人足可矣然藩鎮日擴朝廷委靡積習以爲常者勢遂若簡也迺所以卑之則流爲不及非中道矣

新刊 國朝二百家名賢文粹卷第四十四

新刊國朝二百五名家文粹卷第四十五

策

制科策

御試制策一道

夏文莊公

皇帝若曰朕克謹先訓惟懷永圖期化成於今文寶順考於古道稽觀
視聽不廣心志未明竊求增勤忠規是付所以博延髦士庶獲嘉謨音
那德之隆周官姜倬建中立極經世惠民乃致頌聲以措刑辟三風不
競戰國交興理貴從宜俗多變遷漢政今十志相存有書臺憲章大典
備載既公車而不亮損益而可知曲禮三千經禮三百雖雖盡舉而
為敷陳施之於今在古之事何允授之於古方今之法孰非當商榷其
大猷無自執於小道仲尼之志在春秋考舊史之文明將來之法援
經左氏發凡變例善惡必顯微漸在茲由是後王傳為舜訓垂著朝聘
祭祀之禮刑賞兵農之政君臣勸懲之蹟有師克亮之辭豈可舉而
當耳書其事陳齊美而是取顧精約而因陳大錯之存自是則自

之說謂災攸同恩實同華宜繫於類斷離為私慕無其時欲使薦紳之
民並宗經術青衿之士專責望言能黜異端渴聞謨論責望之設我異
斯求我自唐明宗考詔賦雖云小辯破道壯夫耻為然而定妍否於有
司觀之拙於作者者或捨茲衡石誠慮失之毫釐斯併俊又用意文風
不礙其用何附以副虛懷禮有四民農居其書有人政食在其事務
簡力耕其用薄歛或輕其賦調即邦家之用不充或重役課彼即綿匪
之力強國至於權節之法關市之征刑以惠人亦思首去後慮經費不
給將情寢多善欲蠲復民租不禁山澤而使野無曠土府有羨財下靡
趨於末利上益豐於儲蓄以有訛也宜無隱焉宰字之任然然所託
乎銓擇尤所注意亦宜閱考績於明庭聽保任於端士既字蒞職雖
敗官或邊幅固修蠶蠶益靡非絮或佩章要誠冠虎是倖雖國有常刑然
已受昨今若峻其責責必與嘆於凝脂幾被簡書將漏罪於疎網火
相濟奉其政張爾其謂何子實野想結惟致治誠在得賢毋恐下僚
沉吏彥或以類舉或自薦陞真廉隅清白之名常從在等融軒墨
方

之譽言亦不峻遷然而鮮親伯公頗聞濫進由明黨終陷刑章言參
於斯夙夜無已欲使懷事者必達薦主者絕私奏牘上陳美惡可復
爵賞下降名實罔薄極言澄汰之方用資宵旰之慮劾子大夫蠲畜
器鹽洞明政經副我詳延森然就列靡悼後患咸罄昌言

對曰臣聞百王公共不易之道者惟諫而已矣古者致治之君
莫不欲良臣在庭忠言日至揭進善之旌設敢諫之鼓太史陳
詩以刺百工執技以諫簪漢孝文二年始下賢良之詔開納言
不諱之路觀直誠切諫之士訪天時之災異問朝政之闕失國
家生有裨器五十年間上無逸德下無遺政而陛下尚慮親聽
未廣心志未明高張六科躬訪時事誠臣以濟民利國之策于
陛下之秋也臣生逢太平幼讀方策觀盛衰治亂之際未嘗不
憤憤而握卷聞忠蹇蹇直之風未嘗不激勵而抗節今幸以區
區之學應直言之召有司不以臣之不材外之於相府三公不
以臣之不材進之於外庭陛下不以臣之不材問之於丹陛敢

不校曾賜之所康蓋耳目之所見謹昧死上對制策曰昔姬德
之隆周官爰作建中立極經世惠民乃致頒誓以措刑辟王風
不競戰國交興理責從宜俗多變古炎漢政令十志具存有唐
憲章六典備載既公革而不一亮損益而可知曰周周監二代
文物周旋姬旦踐祚憲章昭備詔百官以政令建五等以親賢和
行三雍法聖象魏故文武創業而百工作頌成康致治而刑措
不用洎乎上東遷皇綱解紐黍離之什下列國風邇後九鼎漸
輕七雄紛競強吞弱吐干戈日尋合從連衡談說鋒起至有變
衣裳以從俗峻法令以任權輕忠信而重要約壞井田而立什
陌官不擇行而擇言爵不尚賢而尚首事物於古敗亂相乘洎
秦廢野死漢龍天飛蕭何約九章之法叔孫制綿絕之礼律曆
精密於盈虛郊祀周旋於壇壝分郡國以王宗支制歌舞以象
功德殊庸茂實際天接地故朝廷之制而十志在焉洎三國分
土六胡亂華海水群飛礼樂無王垂數百載而唐有天命房杜

議其律令焉周陳其法度致太平於正觀制禮樂於開元分爵
九等品有正從故職官之制六典備焉今陛下問其於革詢其
損益其將有所發於天下也臣願朝廷鑒歷代之所短舉唐漢
之所長文者損之急者寬之過者抑之不至者進之則古今之
美兼膺于下矣制策曰曲禮三千經禮三百雖難備舉聊為敷
陳施之於今往古之事何足揆之於古方今之法孰非當商榷
其大猷無自執於小道臣聞先王本太一之道觀羔鴈之象制
威儀三千大禮三百所以教天下之恭讓開萬民之非辟聊敷
其要蓋有五焉記曰禮時為大順次之體次之宜次之稱次之
義授舜舜授禹禹放桀武王伐紂時也天地之祭宗廟之事父
子之道君臣之義倫也社稷山川之事鬼神之事體也喪祭之
用賓客之交義也羔鴈而祭百官皆是大牢而祭不必有餘雞
也若窮禮樂之沿革揆古今之得失則上世帝王不相沿襲所
成作樂治定制禮雖從宜而立法必師古而可久國家受天成

命造我區夏遠觀八世之典近取開元之制文物之盛流芬簡
策但太常工師或怠其習朝廷服章未明其列旂珣之聲不聞
簠豆之器罕用鑒往觀來其儀可見今陛下富天啓之資有承
平之業固當制禮樂易服色定官名發號令建中于千古之上
立極於百代之下則泥金勒玉不足記其功德矣制策曰仲己
之志在乎春秋考舊史之文明將來之法授經左氏發凡變例
善惡必顯懲勸在茲由是後王遵焉彝訓至若朝聘祭祀之禮
刑賞兵農之政君臣勸翼之蹟官師寅亮之辭或可舉而行賞
直書其事唯精英而是取顧糟粕而罔陳巨闢周室將微諸侯
叛命聖人有作王文爰啓發周公之凡例載舊史之行事筆削
皆至日子皆懼故爲列辟之蠹章王道之準的漢氏有命斯文
盛行朝廷詔誥公卿章疏必引經傳爲事規矩故歷祚悠遠法
度可觀迺後中原多故編簡不宐有國之君不遠逮此國家興
起四方穆清治本建底書之策立離校之官陛下軒食視事乙

夜觀書故下問小臣以其大義決六經之奧祕觀百王之明養
臣初習史氏頗詳其學以爲丘明之傳繁富而詎臣請以經義
條對如左臣聞朝以修制聘以結好時會以發四方之禁間問
以諭諸侯之志表著以昭厚玉帛以修費考其道則在乎明班
制而不替整威儀而可觀動必以禮不失其物臣謹按春秋書
春滕侯薛侯來朝者天子無事諸侯相朝書時者美其正也書
荆人來聘者荆夷狄也書人者美其始能聘也書介葛盧來而
不書朝者以夷狄不能行其禮也臣聞祭以追養祀以馭神聖
人爲能饗帝孝子爲能饗親外則盡物而獻誠內則盡心而獻
禮備其馨香奉以圭璧然則祭不欲黷黷則不恭祀不欲煩煩
則不敬謹按春秋書春正月己卯烝者譏其數也書夏五月丁
丑烝者譏不時也書猶三望者惜者可止之辭也譏其不
知禮也臣聞刑賞者國家之二柄也馭其有罪則有刑贖廢奪
語曰廢之以刑書曰金作贖刑周禮曰奪以馭其負廢以馭其

罪懋其有功則有爵祿重服周禮曰爵以馭其貴祿以馭其富
書曰車服以庸蓋刑者所罰寡而所戒衆賞者所費小而所勸
大故古者刑以秋久象天之庠物也賞以春夏象天之惠物也
然則刑之大要在乎去莠軌莠軌不去則罰失矣罰失則濫濫
失則民不從矣曰謹按春秋桓公之世經不書王者譏上下之
不能討有罪也賞之大要在正禮制禮制不正則勸失矣勸失
則僭僭則民不服矣曰謹按春秋云王使榮叔來錫桓公命書
來錫者譏賞不正也曰聞古者兵也大夫有車百乘諸侯有車
千乘天子有車萬乘所以威夷狄刑莠軌也必先教之以禮而
後討之以罪故先王之制甸服者祭侯服者祀賓服者享要服
者貢荒服者王有不祭則修意有不祀則修言有不享則修文
有不貢則修名有不王則修德序成而不至則修刑於是乎兵
有常矣後之王者奉之能行其禮能守其正則得其道矣曰謹
按春秋書甲午治兵者美其得禮也書作丘甲者譏不正也曰

聞古者農也夏后氏五十而貢商人七十而助周人百畝而徹所以供宗廟備車服必先限之以田而後取之以賦先生之制建步立畝六尺爲步步百爲畝畝百爲夫夫三爲屋屋三爲井井方一里是爲九夫八家共之一夫一婦私田百畝公田十畝輸虞衡之稅供車馬之賦於是乎農有常矣後之王者奉之不妨其時不失其正則得其道矣且謹按春秋書新延廐者譏不時而悉農力也書初稅畝者譏不正也至若君臣勵翼之蹟有師曠亮之辭考於左氏之傳實繁大夫之對然非聖人筆削請以經義言之夫君臣勵翼者在乎尊卑不黷上下不僭罪不妄誅刑不妄加興滅國繼絕世春秋之義尊不親小事卑不尸大功謹按經有稱人以殺大夫者誅有罪也稱國以殺大夫者罪累上也經有書夏滅項而不言何國滅之者爲齊桓公諱也春秋爲賢者諱桓公嘗有繼絕存亡之功明君子爲之諱也夫官師更亮者在乎夙夜儆戒靖恭其位賢愚有序貴賤有列安邦

國利萬民春秋之義我用賢治不肖用真治賊謹校經有書秋公
子結滕陳人之婦于郵遂及齊侯宋公盟書遂皆美其有遂事
也春秋之義大夫受命不受辭出境有可以安社稷利國家者
專之可也制策曰六籍之存日星是喻百氏之說燭火收周惡
實尚華寔繁庶類斷雕焉朴豈無其時欲使薦紳之民並宗經
術青衿之士專習聖言能黜異端渴聞謹論臣聞經緯天地莫
大乎六籍詩書標仁義之府禮樂立教化之表春秋五始以載
褒貶大易四象以觀情偽從之則為正直為聖賢叛之則為姦
亂為讎閭萬代而下宗為格言然而去聖逾遠諸子鋒起各因
文而述志或希聖而扶經至漢孝成帝時已八十餘家矣爾後
作者紛紜競為開誕違叛正道採摭斯文致學者之多岐遂務
華而捨實陛下注懷賈誼將抑百家文明之朝如轉規耳然且
以為焚之則為非義禁之則為非法不若化之以道教之以正
自今而後凡朝廷詔令之文貢舉詩賦之目每用諸家之語必

以六經之義上之所好下必甚焉是則幅員之內庠序之間不
禁而自絕不令而自從競諷周孔之言其排揚墨之語諒不數
歲盡變其風洋洋乎雅頌之聲可以翹足而待矣聖策曰貢舉
之說陟異斯求爰自唐朝獨考辭賦雖云小辨破道壯夫恥為
然而定妍否於有司觀工拙於作者苟或捨茲衡石誠慮失之
毫釐將俛俊又用章文風不變其用何術以副虛懷臣聞王者
不能獨治天下必擇良能而共之故公卿大夫必選於俊又俊
又必取於多士四代薦賢諸侯立三適之制兩漢求士公府有
四科之選得賢之盛庶以踰之魏晉以降南北離割其間制度
無可紀者隋室立進士之科李唐崇大其選國家龍興亦循其
制網羅賢俊時號得人若辭賦之試聲律之限蓋非古也而取
一時之工焉陛下必欲革之而取茂異又何患妍否之難定哉
臣以為今之取士其甚可疑鄉舉重選之制未盡明察言觀德
之規未盡復夫鄉舉里選所以擇其行也而寄貴賈藉者有焉

察言觀德所以擇其材也而矯厲虛譽者有焉所以薦貢之始不能皆知其行明試之際不能盡擇其文以是爵命之間不能無濫臣願陛下先明鄉里之制次謹言德之規然後試以策論考其康濟非經意不得以對非常道不得以言則清濁自分才德可辨文風丕變又何遠乎制策曰禮有四民農居其一書有八政食在其中務勸力耕亮由薄斂或輕其賦調即邦家之用不亢或重彼課役即編氓之力彌困至於確訥之法關市之征將以惠人亦思省去復慮經費不給游惰寢多蓋欲蠲復民租不禁山澤野無曠土府有羨財下靡趨於末利上益豐於儲蓄必有說也宜無隱焉目聞語曰百姓足君孰與不足百姓不足君孰與足故先王敷政設教惟務富庶蔽財於民取之以道府藏益而國用充元元安而至性遂國家仁惠周普刑政簡清但財賦未充管榷未罷其故何哉臣以為務農之制足食之本歷觀前世蓋有道焉三代之際其詳闕矣姬嬴而下莫盛於漢臣

請爲陛下以西漢之事言之夫漢當文景之際行田三十稅一而侯王分土各食其租關梁緩征筭之制民間有牛酒之賜四方常貢其入至寡而太倉之粟流衍而露積京師之錢貫朽而難校守閭閻者食梁肉阡陌之馬成群今國家地廣前代優畝而稅山澤舟車之賦鹽鐵筦榷之利一歲之入十倍漢初而用度豐盈未能相當其故何哉豈非游手未去重職未省冗兵未減仙釋未戢曠土未闢珠玉未弃游手未去則趨末幸利之弊未盡止重職未省則稍廩供億之費未盡節冗兵未減則狼餉優給之用未盡一仙釋未戢則邪僞蠹耗之源未盡蔽曠土未闢則未耕禾黍之利未盡獲珠玉未弃則梯航捕採之路未盡塞是以南畝之民執耒而耕者無多人矣故陛下雖躬行節儉憂勞日昃而制其歲用則尚有未豐議緩征筭則將行復止者良由是矣願陛下禁游惰以沮勸之典併重職以簡易之道去冗兵以稽閱之法抑仙釋以正直之規開曠土以優復之令弃

珠玉以儉素之教則官府之用充裕而山積億兆之生敦厚而
日富豐食之道又何艱哉制策曰宰字之任蒸黎所託在乎銓
擇尤所注懷亦嘗閱考績於明庭聽保任於端士暨于在職繼
以敗官或邊幅因修簠簋靡盬或佩韋罕誠冠虎是侔雖國有
常刑而民已受弊今若峻其督責必興嘆於疑貮緩彼簡書將
漏罪於踈網水火相濟琴瑟改張爾其謂何子實黽勉巨聞生
民之命繫乎縣邑故進任宰字在乎擇人當進者進則法令明
政教達茲軌絕請謁息不當進者進則王澤壅刑辟濫邪僞起
苟直行故古者仕不妄進官不虛授蓋恐下民之受弊於匪人
也國家之制與古齊盛而州縣之吏率多暴慢不求潔白之名
罔垂緩急之戒其故非他也蓋吏道頗雜責舉未止士則累場籍
以求第而不問其材吏則叙久次而以求遷而不問其事未嘗
擇行於三銓但見分命於百里君子或淹翔而後進小人或寅
緣而先達復循唐氏流外之制盛開百司恩澤之路選調既集

皆補今位攝食元元干冒憲網詳觀其弊良不遠此况得考陳
之法未盡行論薦之科未盡至按察之使未盡公激勸之賞未
盡重臣願陛下因損百王詳觀兩漢采諸家考課之法而明其
殿最嚴自官論奏之興而禁其趨附選天下公正之士出分八
使之車擢州縣循良之吏入補金閨之籍是以黃綬之間競爲
良善又何有凝脂之歎疎網之虞者哉制策曰緬惟政治誠在
得賢每恐下僚實沉英彥或以類舉或自薦陞負廉隅清白之
名常從加等駟幹壘端方之譽亦示峻遷然而鮮覩徇公頗聞
濫進始由朋黨終陷刑章言念於茲夙夜無已欲使懷材者必
達薦士者絕私奏牘上陳美惡可復爵賞下降名實周達極言
澄汰之方用資宵旰之慮臣聞王者前旒垂纊無爲而治必舉
賢智用爲股肱故類舉之典君子所以達已知也自薦之制英
主所以拔寒俊也皆有國之規矩求賢之軌轍然則類舉不正
則朋黨者達自薦不實則僭濫者進必在乎以經義而制之謹

按春秋書吳子使季札來聘吳夷狄也稱子者善使賢也故
進之春秋之義身賢賢也使賢亦賢也又按書云舉能其官惟
爾之能而今之論薦或非經意保任之法頗重得賢之賞未行
乎經以使賢者為賢舉能者為能若舉狀謬者既黜舉狀實者
未旌則賢能之士何以勸勸夫賢能不勸則為善者怠為善者
怠則欺妄者進矣於戲自薦者難也古者帝王慮臣下妨塞賢
路乃為之制故在陛下裁之而已若類舉者道也一日廢之不
可伏願陛下所信任者各舉所知則棟梁柱石有餘材矣然則
國家之大炳王者之利器賞罰而已陛下明其科條以取薦舉
不容應侯藉臺之請而舉有臣先茅之賞是則懷材必達薦主
絕私可以復其美惡而不違名實矣臣誠不佞罔知忌諱切備
清聞憂惶跼蹐但幸遇陛下設直言之科臣應極諫之名聖策
許臣菲悼後患敢不竭愚夫賊士之慮思補聖政萬分之一惟
陛下少賜宸覽寬其鼎鑊則昧死幸甚

不足欲威四夷則兵不強欲興利除害則無其人欲救世厲俗則無其具大臣不過遵用故事小臣不過謹守簿書上下相安以苟歲月此臣所以妄論陛下之不勤也臣又竊聞之自頃歲以來大臣奏事陛下無所詰問直可之而已臣始聞而大懼以為不信及退而觀其效見則臣亦不敢謂不信也何則人君之言與士庶不同言脫於口而四方傳之捷於風雨故太祖太宗之世天下皆諷誦其言語以為箴勸之具今陛下之所震怒而賜譴者何人也合於聖意誘而進之者何人也所與朝夕論議深言者何人也越次躡等召而問計之者何人也四者臣皆未之聞焉此臣所以妄論陛下之不勤也臣願陛下條天下之事其大者有幾可用之人有幾某事未治其人未用雞鳴而起曰吾今日為某事用某人他日又曰吾所為某事其事果濟矣乎所用某人其人果才矣乎如是孜孜焉不違於心屏去聲色放遠善惡親近賢達遠覽古今凡此者勤之實也而道何遠乎伏

惟制策有夙而夜寐于今三紀德有所未至教有所未孚闕政
尚多和氣或盤田野雖關民多亡聊邊境雖安兵不得徼利入
已浚浮費彌廣軍冗而未練官冗而未澄庠序比興禮樂未且
戶罕可封之俗士忽皆讓之節此所以訟未息於虞芮刑未措
於成康意在位者不以教化爲心治民者多以文法爲拘禁防
禦多民不知避叙法寬監吏不知懼囂聚者衆愁歎者多力
此陛下之所憂數十條者臣皆能爲陛下歷數而備言之然而
未敢爲陛下道也何者陛下誠得御臣之術而固執之則嚮之
所憂數十條者皆可以捐之大臣而已今陛下區區以繼
之數十條爲已憂者則是陛下未得御臣之術也天下所謂賢
者陛下旣得而用之矣方其未用也當若有餘而其旣用也則
常苦不足是豈其才之有變乎古之用人者日夜提策之武王
用太公其相與問答凡百餘万言今之六韜是也植公用管仲其
相與問答亦百餘萬言今之管子是也古之人君其所以反覆

窮究其旨者若此今陛下默默而聽其所爲則夫嚮之所憂數
十條者無時而舉矣古之忠臣其受任也必先自度曰吾能辦
是矣乎度能辦是也則又曰吾君能忘已而任我乎能無以小
人間我乎度其能忘已而任我也能無以小人間我也然後受
之既已受之矣則以身任天下之責而不辭享天下之利而不
愧今也內不度已外不度君而輕受之受之而衆不與也則引
身而求去陛下又爲美辭而遣之加之重祿而慰之夫引身而
求退者非果廉節而有讓也是邀君以自固也是自明其非我
之欲留以逃謗也是不能辦其事而以其患遺後人也陛下奈
何聽之臣故曰陛下未得御臣之術也若夫德有所未至教有
所未孚者此實不至也德之必有以著其德之之形教之必有
以顯其教之之狀德之之形莫著於輕賦教之之狀莫顯於去
殺此二者今皆未能焉故曰實不至也夫以選舉之重而不取
才行官吏之衆而不行考課農末之相闕而平糴之法不立貧

富之相役而占田之數無限天下之關政則莫大乎此而和氣
安得不盤乎田野闢者民之所以富足之道也其所以無聊則
吏政之過也然臣聞天下之民常偏聚而不均吳蜀有可耕之
人而無其地荆襄有可耕之地而無其人由此觀之則田野亦
未可謂盡闢也夫以吳蜀荆襄之相形而飢寒之民終不能去
挾而就寬者世以爲懷土而重遷非也行客無以相羣則不能
行居者無以相友則不能居若輩徒飢寒之民則無有不聽矣
邊境已安而兵不得撤者有安之名而無安之之實也臣欲
小言之則自以爲有愧大言之則世俗以爲必臣請略言之古之
制北狄者未始不通西域今之所以不能通者是夏人爲之障
也朝廷置靈武於度外幾百年矣議者以爲絕域異方義不敢
近而况於取之乎然臣以爲事勢有不可不取者不取靈武則
無以通西域西域不通則契丹之強未有艾也然靈武之所以
不可取者非以數郡之能抗吾中國吾中國自固而不能舉也

其所以自困而不能舉者以不生不息之財養不耕不戰之兵
壘然如巨人之病腿非不愕然大矣而手足不能以自舉欲云
是疾也則莫若捐秦以委之使秦人斷然如戰國之世不待中
國之援而中國亦未始有秦者有戰國之全利而無戰國之患
則夏人舉矣其便莫如稍徙緣邊之民不能戰守者於空閑之
地而以其地益募民爲屯田屯田之兵稍益則向之戍卒可以
稍減使數歲之後緣邊之民盡爲戰耕之夫然後數出兵以苦
之要以使之厭戰而不能支則折而歸吾矣如此而北狄始有
可制之漸中國始有息肩之所不然將濟師之不暇而又何暇
乎所謂利入已浚而浮費彌廣者臣竊以爲分有不得已之二
虜內有不得已而不已之後宮後宮之費不下一敵國金玉錦繡
之工日作而不息朝成夕毀務以相新主帑之吏日夜儲其精
金良帛而別異之以待倉卒之命其爲費豈可勝計哉今不務
去此等而欲廣求利之門臣知所得之不如所喪也軍冗而未

練者臣嘗論之曰此將不足恃之過也然以其不足恃之故而
擁之以多兵不蒐去其無用則多兵適所以爲敗也官冗而未
澄者臣嘗論之曰此審官吏部與職司無法之過也夫審官吏
部是古者考績黜陟之所也而特以日月爲斷今縱未能復古
可略分其郡縣不以遠近爲差而以難易爲等第其人之所堪
而別異之才者常爲其難而不才者常爲其易及其當遷也難
者常速而易者常久然而爲此者固有待也使審官吏部與外
之職司常相關通而爲職司者不推舉有罪察有功而已必使
盡第其屬吏之所堪以詔審官吏部審官吏部常從內等其任
使之難易職司常從外第其人之優劣使才者常用不才者常
閑則冗官可澄矣庠序興而禮樂未具者臣蓋以爲庠序者禮
樂旣興之所用非所以興禮樂也今禮樂鄙野而未完則庠序
不知所以爲教又何以興禮樂乎如此而求其可封責其借讓
將以息訟而措刑者是却行而求前也夫上之所嚮者下之所

趨也而况從而賞之乎上之所背者下之所去也而况從而罰之乎今陛下責在位者不務教化而治民者多拘文法臣不知朝廷所以爲賞罰者何也無乃或以教化得罪而多以文法受賞歟夫禁防未至於煩多而民不知避者吏以爲市也叙法不爲寬濫而吏不知懼者不論其能否而論其久近也繫繫者衆愁歎者多凡以此也伏惟制策有仍歲以來災異數見乃六月壬子日食于朔淫雨過節煩氣不效江河潰決百川騰溢永思耿咎深切在于憂不虛生緣政而起此豈非陛下厭聞諸儒牽合之論而欲聞其自然之說乎臣不敢復取洪範傳五行志以爲對直以意推之夫日食者是陽氣不能覆陰也何謂陽氣不能覆陰臣聞五月二十三分月之二十是爲一交交當朔則食交者是行道之險者也然而或食或不食則陽氣之有強弱也今有一人並行而犯霧露其疾者必其弱者也其不疾者必其強者也道之險一也而陽氣之強弱異故夫日之食非食之月

而後爲食其鬴也久矣特遇險而見焉陛下勿以其未食也爲無災而其既食而復也爲免各臣以爲未也特出於險耳夫大雨大水者是陽氣融液汗漫而不能收也諸儒或以爲陰盛臣請得以理折之夫陽動而分其於人也爲噓噓之氣溫然而爲濕陰動而內其於人也爲噏噏之氣冷然而爲燥以一人推天地天地可見故春夏者其一噓也秋冬者其一噏也夏則川澤洋溢冬則水泉收縮此燥濕之效也是故陽氣汗漫融液而不能收則常爲淫雨大水猶人之噓而不能吸也今陛下以至仁柔天下兵驕而益厚其賜戎狄桀傲而益加其禮蕩然與天下爲咻啍溫煖之政萬事脩壞而終無威刑以堅凝之亦如人之噓而不能噏此淫雨大水之所由作也天地告戒之意陰陽消復之理殆無以易此矣而制策又有五事之失六沴之作劉向所傳呂氏所紀五行何修而得其性四時何行而順其令非正陽之月伐鼓揅變其咎是經乎方盛夏之時論公報重其考於

古乎此陛下畏天恐懼求端之過而流入於迂儒之說此皆愚臣之所學於師而不取者也夫五行之相治本不至於六六沴者起於諸儒欲以六極分配五行於是始以皇極附益而爲六夫皇極者五事此得本極者五事皆失非所以與五事並列而別爲一者也是故有眚而又有象有極而無福曰五福皆應此亦自知其疎也呂氏之時令則柳宗元之論備矣以爲有可行者有不可行者其可行者皆天事也其不可行者皆人事也若夫祭社伐鼓本非有益於救災特致其尊陽之意而已書曰乃季秋月朔辰弗集于房豈異鼓鼗大馳庶人走由此言之則亦何必正陽之月而後伐鼓轉變如左氏之說乎盛夏報凶先儒固已論之以爲仲尼誅齊優之月固君子之所無疑也伏惟制策有京師諸夏之本則王教之淵源百工淫巧無禁豪右僭差不度此在陛下身率之爾後宮有大練之飾則天下以羅紈爲羞大臣有脫粟之節則四方以膏粱爲汙雖無有禁令又何憂

乎伏惟制策有治當先內或曰何以爲京師政在撓獄或曰不可撓獄市此皆一偏之說不可以不察也夫見其一偏而輒舉以爲說則天下之說不可以勝舉矣自通人而言之則曰治內所以爲京師也不撓獄市所以爲撓獄也如使不撓獄市而害其爲撓獄則夫曹叅者是爲通述主也伏惟制策有推尋前世探觀治迹孝文尚老子而天下富殖孝武用儒術而海內虛耗道非有弊治矣不同巨竊以爲不然孝文之所以爲得者其儒術略用也其所以得而未盡者其用儒之未純也而其所以爲失者其用老也何以言之孝文得賈誼之說然後特大臣有禮節諸侯有術而至于興禮樂係單于則曰未暇故曰儒術略用而未純也若夫用老之失則有之矣始以區區之仁壞三代之肉刑而易之以髡笞髡笞不足以懲中罪則又從而殺之用老之失豈不過甚矣哉且夫孝武亦可謂用儒之主也博延方士而多興妖祠大興宮室而甘心遠略此豈儒者教之今夫有

者徒知徇其名而不考其實見孝文之富強而以爲老子之功
見孝武之虛耗而以爲儒者之罪則過矣此唐明皇之所以溺
於宴安徹去禁防而爲天寶之亂也伏惟制策有王政所由形
于詩道周公誦詩王業也而係之國風宣王北伐大事也而載
之小雅臣聞誦詩言石稷公劉所以致王業之艱難者也其後
累世而至文王文王之時則王業既已大成矣而其詩爲二南
二南之詩猶列於國風而至於誦獨何怪乎昔季札觀周樂以
爲大雅曲而有直體小雅思而不貳怨而不言夫曲而有直體
者寬而不泝也思而不貳怨而不言者狹而不迫也由此觀之
則大雅小雅之所以異者取其辭之廣狹非取其事之小大也
伏惟制策有周以家宰制國用唐以宰相兼度支錢穀大計也
兵師大衆也何陳平之對謂當貴之內史韋賢之言不宜兼於
宰相臣以爲宰相雖不親細務至於錢穀兵師固當制其虛實
利害陳平所謂貴之內史者特以宰相不當治其簿書多少之

數耳昔唐之初以郎官領度支而職事以治及兵興之後始立使額參佐既衆簿書其繁衆自弊之源自此而始其後裴延齡皇甫鏞皆以剝下媚上至於希世用事以宰相兼之誠得防蔽之要而韋賢之議特以其權過重故李德裕以爲賤臣不當議令臣常以爲有宰相之風矣伏惟制策有錢貨之制輕重之相權命秩之差虛實之相養水旱蓄積之備邊陲守禦之方園法有九府之名樂語有五均之義此六者亦方今之所當論也昔召穆公曰民患輕則多作重以行之若不堪重則多作輕以行之亦不廢重輕可改而重不可廢不幸而過寧失於重此制錢之本意也命者人君之所擅出於口而無窮秩者民力之所供取於府而有限以無窮養有限此虛實之相養也水旱蓄積之備則莫若復隋唐之義倉邊陲守禦之方則莫若依秦漢之更卒周官有太府天府王府內府外府職內職金職歲職幣是謂九府太公之所行以致富上且有天子東諸侯之士以爲國均則

市不二價四民常均是謂五均獻王之所致以爲法皆所以均
民而富國也凡陛下之所以策臣者大略如此而於其未復策
之曰富人強國尊君重朝強災致祥政薄從厚此皆前世之急
而當今之要務此臣有以知陛下之聖意以爲向之所以策臣
者各指其事恐臣不得盡其辭是以復舉其大體而槩問焉以
恐其不能切至也故又詔之曰悉意以陳無悖後言昌是以
敢復進其獨任之說夫天下者非君有也天下使君主之耳陛
下念祖宗之重恩百姓之可畏欲進一人當同天下之所欲進
欲退一人當同天下之所欲退今者每進一人則人相與譏曰
是出於某也是某之所欲也每退一人則又相與譏曰是出於
某也是某之所惡也臣非敢以此爲幸信也然而致此言者則
必有由矣今無知之人相與譏於道曰聖人在上而天下之所
以不盡披其澤者便嬖小人附於左右而女謁盛於內也爲此
言者固妄矣然而天下或以爲信者何也徒見諫官御史之言

硃硃乎難人以為必有間之者也徒見蜀之羨錦越之奇器不由方貢而入於官也如此而向之所謂急政要務者陛下何暇行之臣不勝憤懣謹復列之於未惟陛下寬其萬死幸甚幸甚

新刊國朝二百家名賢文粹卷第四十七

策

制科策三

御試制策一道

策問同三

頴濱先生

臣謹對曰臣不佞陛下過聽策臣於廷臣得竭愚衷以奉大對
臣性狂愚不識忌諱伏讀陛下制策凡所以問臣之事數十條
者臣已詳聞之矣然目內省愚誠欲先以聞而後答陛下以所
問伏惟陛下承先帝之業即位以來三十餘年四方又安陛下
守此太平之成基乎自無事端居靖慮亦嘗有憂於此乎無憂
於此乎陛下策臣曰朕承祖宗之大統先帝之休烈深惟冥昧
未燭於理又曰志勤道遠治不加進夙興夜寐于茲三紀此陛
下憂懼之言也然臣以為陛下未有憂懼之誠耳往者寶元慶
曆之間西羌侮難陛下晝不安坐夜不安席當此之時天下皆
謂陛下憂懼小心如周文王然而自西方解兵陛下弃置憂懼

之心而不復思者二十年矣古之聖人無事則深憂有事則不懼夫無事而深憂者所以為有事之不懼也今陛下無事則不憂有事則大懼臣以為陛下失所憂矣故臣願陛下雖天下無事而不憂憂懼之心陛下識能用且此言則凡所以問且者臣雖不言可得而舉也苟未能用且此言則凡所以問且者臣雖言之無益也制策曰朕德有所未至教有所未孚闕政尚多和氣或熱陛下思慮至此此則聖人之用心也且請為陛下推其本原而極言其故曰聞之書曰與治同道罔不興與亂同道罔不亡昔者夏之衰也有大桀商之微也有祖甲周之敗也有穆王漢之卑也有成帝唐之亂也有穆宗恭宗此六帝王者皆以天下之治安朝夕不戒沈湎于酒荒耽于色晚朝早罷章奏起大臣不得盡言小臣不得極諫左右前後惟婦人是侍法度正直之言不留于心而惟婦言是聽諸行於內勢橫於外心氣荒亂邪僻而無所主賞罰失次萬事無紀以至於天下大亂而

其心不之知也是以三代之季詩人疾而悲傷之曰匪教匪戒
時惟婦寺聽言則對誦言如對又曰亂匪降自天生自婦人赫
赫宗周褒姒滅之蓋傷其不可告教而至於敗也巨疎賤之巨
竊聞之道路陛下自近歲以來宮中貴姬至以千數歌舞飲酒
歡樂失節坐朝不聞詔議便殿無所顧問夫天之喪漢唐之
季其所以召亂之由陛下已知之矣而不止百蠹將由之而
敗內則將為蠱惑之所汙以傷和伐性外則將為請謁之所亂
以敗政害事婦人之情無有厭足迭相誇尚爭為侈靡賜未
足以自給則不憚於受賂賄賂賄既至則不憚於私謁私謁既
行則內外將亂陛下無謂好色於內而不害外事也且臣聞之
欲極必厭樂其必反於其極甚之時一陷於其中而不能以自
出然及其覺悟之後未始不以自悔也陛下何不試於清閑之
時上思宗廟社稷之可憂內思疾疫病恙之可惡下思庶人百
姓之可畏則夫嬪御滿前適足以為陛下憂而未足以為陛下

樂也伏惟聖主之思焉是以遲遲而不去詩云顛沛之揭夜
葉未有雲采實先撥方今承祖宗之基四方無虞法令修明百
官繕完而陛下奈何先自撥其本哉臣恐如此德教日以陵遲
關政將至於敗矣氣將至於災而不可救也制策曰田野雖闢
民多土聊邊境雖安兵不得徹利入已浚浮費彌廣臣以為地
有所未闢是以民不得安其生邊境雖安而非誠安是以兵不
得而徹其備浮費日廣是以利入浚而不能休何者自京以西
近自許鄭而遠至唐鄧凡數千里列郡數十土皆膏腴古之賦
輸大半多出於此自兩漢以來名臣賢守所以為民興利除害
溝洫吹漕之迹往往猶在而荆棘成林無尺寸之耕狐狸豺狼
之所嗥跳而此兵罷去之所竄伏陛下所使守此地者終無一
人為陛下深思極慮招徠流亡以艱花其地賢才良士以為此
僻遠之處而不肯往陛下何不使大目舉人而守之親召而勉
厚其志屬以此事而以此為殿最之課不及十年此將皆為天

下之沃壤臣故曰地有所未闢是以天下之民不得安其生也
臣又聞古之制邊備者外有事障內有屯兵亭障欲繫屯兵欲
簡繁則耳目明簡則氣勢合今者邊境之患患在亭障之地而
皆屯兵以待寇至屯兵之處兵分力弱而不足以備禦夫屯兵
於亭障之地者兵必不能甚多也兵不能甚多則敵至必不能
抗而徒弃甲兵於無用此拙守者之計也然今之人又患夫屯
之不密而歲益增焉小屯不滿百人大屯不過數百城壘之廣
狹弱弓之矢可以越而過者往往是也然而前守之所城後守
不敢徹非不知徹也恐後之有敗事而以是為過也兵法曰善
攻者敵不知所守善守者敵不知所攻夫敵不知所攻非連臂
而守之也雖連臂而守之敵尚可得攻而絕也古之善守者置
兵於要害之地則敵人不敢過而為盜何者畏吾之乘其背也
過人之城而又遇城焉則腹背而受敵此用兵之深忌也今國
家不料敵之不敢過吾城以深入吾地而懼敵之敢入深也夫

敵之過吾城以深入吾地是吾利也而又何患乎臣故欲收諸
小屯無益之兵而聚之大屯諸敵小屯皆廢以爲亭障嚴斥候
謹烽燧以爲大屯之耳目置大屯於要害之地以形制戎狄高
城深池精爲守備便可以對敵逾月而不陷制爲諸屯使其相
去之遠近可以輕兵十日而相救臣讀古兵書戰國策未嘗見
有敵人敢越大城深入而爲寇者臣故曰邊境雖安而非誠安
是以兵不得徹其備也臣又聞人君之於天下本非有情愛相
屬如父子兄弟之親也上以其勢臨下則下以其勢奉上二者
相持而行不相悅則解不相合則叛譬如草木之於地也託土
而生判然二物也有根而綢繆之交橫相入而至於不可拔及
其不相入也木槁於上而根不下屬地確於下而氣不上接一
夫之力可拔而取也飄風暴雨可拔而離也是以古之聖人於
其無事之時必深結百姓之心使之歡欣交通信義積厚而不
忍相弃於緩急之際昔漢之文景優裕天下時使薄賦斂寬因

相有罪矣當此之時雖天下和平猶未見其利以至末世賊臣
竊命國統已絕而天下之心猶依依不忍離懷者徒以文景之
所以愛之者有深而不可忘也 國家自祖宗以來至於陛下
四世矣陛下之所以深結於民者何也民之所好者生也所惜
者財也陛下擇吏不精百姓受害於下無所告訴則是陛下未
得以生結民也陛下賦斂煩重百姓日以貧困衣不蓋體則是
陛下未得以財結民也吏之不仁尚可以爲吏之過賦斂之不
仁誰當任其咎且陛下凡所以用財者果何事乎上有官吏之
俸下有士卒之廩外有夷狄之賂此三者陛下未得自負之術
臣亦未敢以爲言也臣獨怪陛下內有宮中賜予玩好無極之
費此何爲者也凡今百姓所爲一物以上莫不有稅茶鹽酒鐵
關市之征古之所無者莫不並行疲民咨嗟不安其生而宮中
無益之用不爲限極所欲則給不問無有司會不敢爭大臣不
敢諫執契持劫臣若兵火陛下外有北狄西戎歲數金繒而又

內自爲一牢以耗其所遺餘臣恐陛下以此獲謗而民心之不
歸也故臣願陛下日夜自損以厲左右漏爲節儉以寬百姓捐
錦繡并金玉以實素帛爲貴賦稅之入獨以供不得已之費使天
下知戴陛下之德一旦有緩急則民尚可以使之無叛臣故曰
浮費日廣是以利入浚而不能止者此之謂也制策曰軍冗而未練
官冗而未澄夫軍冗未練則爲無兵官冗未澄則爲無吏古者
民多則兵衆兵衆則國強今兵衆而至於以爲冗者則是不耕
而食之過也然而屯田之利是當今之至計也然而屯田之不
用則亦有說有兵而不可使耕一也天下須兵之地無官田而
閑田之鄉不須兵二也此二患者臣嘗慮之蓋亦以爲無難也
有兵而不可使耕臣亦不敢強使也計今天下之兵一歲死亡
幾何而以其數募民爲兵臣屯田民自將有應此選者則今不
耕之兵十數歲之後其存者將有幾此非屯田之所當畏者一
也天下郡縣未嘗無官田郡縣之無官田者特有之而官屬之

也籍沒之田歲歲不絕舉而積之而田皆在官矣閑田之鄉不
過京師之西雖差遠於京畿然而車馳卒奔可以不過旬日而
至有欲用之可以緩急而召雖禁衛之兵亦可以循漢之故登
郡縣之兵充之其年而易京師可獨置天子腹心之軍數萬
人以制四方之客軍使之獨得不耕而食如周之環人漢之羽
林伏飛之類此又非屯田之所當畏者二也如此而兵冗之弊
可以去矣臣又聞方今用人之弊有二吏多也吏雜也吏多之
弊輕吏雜之弊重吏多而不雜則賢不肖猶有辨也多而不免
於雜既費廩祿又不得賢也費廩祿則國貧不得賢則事不
舉均之二弊事不舉者所當先治也如臣之意且可使審官銓
曹密院三班分別天下之官其事之爲天下之要而其地之爲
一方之急者別之以爲一等而使諸道之職司各第其吏之廉
明善事最異者而上之於審官銓曹密院三班而審官銓曹密
院三班即任之以此至於其餘不急之官則又爲一等使碌碌

之吏以今先後之法占之此法既行要以世之庸吏必將群議而聚怨然臣以爲聖人之爲天下不憚人之有怨心而惟問其怨之當否今世之患上之人畏下太甚而下之人持上太過上以其法御下而下友以法攻上之失是以在上者不敢有所興利除害而惟法之聽法者上之所當用耳而豈亦使天下之人以繩上哉此太甚也臣讀後魏書觀其始時天下用兵武夫悍卒皆得爲吏而當此之時吏道不雜何者其所用者多賢而不賢者未嘗用也及其後世患夫不用者之多怨也是以崔亮從而更之不問士之賢愚而專以停解日月爲斷沉滯者皆稱其能而魏之失人自是而始故臣欲分而別之以爲賢不肖之辨如此而官冗之弊可除矣陛下興庠序於文士悼禮樂之未備思繼可封之俗欲隆階讓之節而訟未息深求其故歸咎在位以爲教化不足而法律有餘是以民不知避吏不知懼咨嗟怨讟並興而不止思所以治之而不得其道臣聞善治天下者不必

有美名而有豐慶之實功不善治天下者其名不必不美而其
實空虛無益於事陛下自即位以來登庸俊良力興美政以教
化天下者於今凡幾矣慶曆中勸農桑興學校當此之時天
下以爲三代之風可以漸復然而學校既興農桑既勸而天下
之風俗卒何以異於慶曆之始今者陛下又發德音分遣使者
巡行天下或以寬恤或以減省或以均稅名号紛紜而出天下
又皆翕然知陛下之欲速爲治也然臣以爲陛下惑於虛名而
未知爲政之綱也且陛下以爲此數事者足以致治耶不足以
致治耶陛下設官置吏其職亦有治此等事者耶其未有耶臣
以爲凡陛下之所以分袞海內以爲郡縣其中上有守令下有
丞尉大者會府次有職司者凡所以治此數事耳今陛下欲寬
卹百姓以至於時命使者則是此等常爲暴也陛下欲減省均
稅而至於時命使者則是此等皆不可使也臣觀陛下之惑不
過欲使史官書之以邀美名於後世耳故臣以爲此陛下惑於

虛名也。今夫諸道之職司是天下之綱維，然尚非陛下之所當擇。陛下當擇宰府而宰相當擇職司耳。天下諸道凡十有七，一道之職司少者三人而多者不過四人，均之十七道者，其替換迭代不過四五十人也。以士大夫之多，擇四五十人而用之，宜其甚足。今乃不擇賢否而用之，至於有事則更命使者，故臣以謂陛下未知為政之綱也。夫綱雖大，不知舉而何教化之能興？故臣願陛下興教化，自擇職司始。而天下可以漸治矣。陛下戒慎天災，震懼日食、淫雨、燠氣、江河之失度，而思聞告戒消伏之理，推劉向之傳考呂氏之紀，夫劉向之說五行事各以類感滯於一方而不得相通，呂氏之書隨其時月而指其必然之災異，其言皆迂怪而難信，安足為陛下道哉？臣聞災異之說有二，有可得而推知，其所從來者有不可得而推知，其所從來者可得而推者，人之所為也，不可得而推者，天之所為也，人之所為者，不過盜賊竊發於山林，戰敗兵破而不得復，盜賊竊發是衣金。

不足政暴吏苛之罪也戰敗兵破是任人不明將不爲用之過也至於天之所爲凶旱水溢蟲蝗霜雹日食地震星辰隕墜是安知其所由來哉譬如人之將病也五臟失據於中而變見動於四肢發於百體醫者切其脈而辨其色曰是心病也肺病也是皆可也至於鬼嘯於梁棟凡於堂而動之曰是心也是肺也則可乎要以人之神明精爽消散而不充是以邪物得而干之尚何擇乎心肺之間哉古之儒者其論災異則皆有此弊也今使國家治強人民乂安和氣充塞於天地之間則天爲之明地爲之靜三辰爲之光及其小變則天地三辰皆將虧缺而不寧廣者水自京城日食季夏江河淮汴汎溢爲害地震生毛水變赤色此數事者使董仲舒劉向之徒出而論之必將指國政之一二以爲其驗而臣以爲不然蓋臣非以爲不爲災也以爲天地之遠而至於爲之變動此非一事之所能致蓋天下之政皆失其中是以其氣衰弱挫沮而不振以至於是以爲陛下歷

數天下之弊而使陛下盡脩之云耳非正陽之月而伐鼓抹變
號者以爲非經然而要以脅陰助陽則雖非正陽而不爲失當
盛夏之月而論囚報重號者以爲非古然而要以使犯法者無
父繫之殃而民觀爲惡之速及則雖當盛夏而亦不爲非也陛
下啓四方之未治而推其源於京師知淫巧僭差之失度而欲
各爲之節然而未獲所以禁之之術是以欲先治內則惑於何以
爲京師之言欲先摘姦則惑於不撓獄市之說今陛下任人使
爲京兆如得趙廣漢耶則安可以不撓獄市而拘其才如得黃
霸耶則安可以不摘姦而責其效各隨其才而用之則可以至於
治矣然臣以爲莫若先之以猛而終之以寬頃者陛下之所任
皆能猛矣而不能寬皆得其始矣而不知所以爲繼之之術是以
京兆之政大則斬戮小則笞箠歷歲百餘而終無有一人能以
仁恕爲治者故其民狃於刑戮而不知懼然而不先之以猛
臣又恐仁恕之不能折夫強暴也陛下深探儒老之是非不至

於漢文漢武治亂之際臣聞老子之所以爲得者清淨寡欲而
其失也弃仁義絕禮樂儒者之得也尊君卑臣而其失也崇虛
文而無實用然而道之可以長行而無弊者莫過於儒術其所
以有弊者治之過也漢文取老子之所長而行之是以行之而
天下豐漢武取儒者之失而用之是以用之而天下弊此儒老
得失之辨也昔者周公遭變而作幽詩雖言王業之本而要以
自明其身之無罪是以謂之國風宣王北伐其事雖大而其詩
非大雅之體是以謂之小雅故夫寬柔敦厚者大雅之風也慷慨
慨勁正者小雅之文也以此推之則可以辨矣三代之時財賦
之用有司掌之而家宰特因其歲之凶豐上下而制其用度多
少之節蓋亦如此而已至於有唐正觀開元之際猶委之郎官
其後四方用兵而財用之間亦遂有權時應變之事郎官有所
不能辦故立使以主之及其末世使又不能辦則又舉而歸之
宰相是以李德裕之提督治其事以一有司之職而累天下之

卒由此言之則夫陳平韋賢之論有不妄矣若夫泉貨之輕重
始於周景王而後有二品之差命秩之實始於魏武帝而後有
六等之品水旱蓄積之備莫如李愬之平羅邊陲守禦之方莫如
張仁愿之築城園法九府之名自天府太府三府內府外府職
內職金職歲職幣皆列職於周官樂諸五均之義天子取諸侯
之士以爲均國則市不二價其說見於河間獻王之禮此數事
者豈非有益於當世之務是以不足深論也伏惟陛下諮議國
事丁寧友覆終而復始不忍捨去故於制策之終則又曰富人
強國尊君重朝弭災致祥改薄從厚此皆前世之急政而當今
之要務子大夫其悉意以陳再悼後害夫陛下丁寧激切至於
如此而臣何敢不爲陛下申重其說今陛下憂思天下若此其
至而其功不就者豈非無其人之故耶臣聞求賢不務變俗俗
所不悅雖有賢者將不能自立俗苟好之雖天下之人將從風
而靡昔太祖好武略則天下之猛士出而爲之兵太宗好奇謀

則天下計畫之士出而爲之慮真宗好賢則天下豪傑之士出而爲之佐陛下好文而愛儒則海內無有不學以待上之所使使陛下公卿滿朝進趨揖讓文學言語上可以不愧於古人下可以遠過於近世者以陛下誠好之也然陛下中夜不寐起坐而思之天下之事所未能舉者凡有幾何府庫空虛入不支出而不能均兵革怠惰驕而不爲用而不能制閑田蒲野民食不足而不能闢河水歲決北人受害而不能救戎狄放肆邀取金幣而不能服陛下治天下而至使不察有如此者得非陛下所好非所當用耶狄仁傑有言文士中所爲不足快意要得奇才之士與共天下乃進張柬之以代李嶠蘇味道而臣亦以爲治天下當得渾剛質直不忌不克不擇劇易之人而任之如漢之絳侯條侯魏之賈逵鄧艾晉之溫嶠周訪唐之婁師德郝處俊得此數人唯陛下所欲用之致之朝廷之上則賢人益親置之邊境之上則惡言不至如此人者陛下豈不欲用之故臣願陛

下政易所好以變天下之俗則當今之文人皆可使爲朴直之士陛下何憚而久不爲也臣本布衣書生陛下授之以爵祿而又親策之於庭陛下罄竭所疑以問之於臣而臣何敢不盡其中之所懷以輔之陛下凡制策之所以問臣者臣謹已直率愚忠竊揣而妄論之矣才智淺短不足以塞明詔無補於聖明之萬一謹俯伏待罪然臣之微意所欲丁寧而致之陛下者終欲爲陛下畢盡其說臣聞聖人欲有其富則保之以儉欲久其尊則守之以謙欲安其佚則行之以勞欲得其欲則濟之以無欲此四者聖人之所以盡天下之利而人不以爲貪極天下之樂而不爲人之所厭者也老子曰聖人以其無私故能去其私由是觀之則夫欲樂其富而用之以奢者其富必亡欲大其尊而用之以倨者其尊必替欲享其佚而用之以惰者其佚必窮欲獲其欲而用之以肆者其欲必廢是以聖人處衆人之所惡而使天下無異辭然後全享天下之利而無所失故夫年卒全

王不貴錦繡非以爲愛財也畏大臣禮小臣非以爲尚賢也雞
鳴而起日昃不食非以爲集事也去聲色放大馬非以爲美名
也凡所以深服天下而消其爭心焉耳伏惟陛下覽策之始以
無心憂懼之心則又覽其終以去其太甚消天下不子之意二
者既行則大臣之所言者舉可以漸用而無弊矣惟陛下慎思
之方行之無以臣言爲妄蓋臣之所見當今天下之事未有急
於此者陛下幸而留意天下不勝幸甚